

Dnevni avaz.- 03.01.2022

## **Bajden poručio predsjedniku Ukrajine: SAD i partneri će odlučno reagovati ako Rusija napadne**

### ***Байден заявив президенту України: США та їхні партнери рішуче відреагують на напад Росії***

*Президент України В. Зеленський провів третю за останній час телефонну розмову з Президентом США Д. Байденом, яка тривала понад півтори години. Ключова тема переговорів – ситуація на сході та на кордонах України. В. Зеленський привітав активну роль США у її врегулюванні, відзначивши важливість запланованих на січень 2022 р. міжнародно-правових заходів.*

<https://avaz.ba/globus/svijet/707566/bajden-porucio-predsjedniku-ukrajine-sad-i-partneri-ce-odlucno-reagovati-ako-rusija-napadne>

Ukrajinski predsjednik Zelenski rekao je da je s Bajdenom razgovarao o zajedničkim akcijama na očuvanju mira u Evropi i sprječavanju daljnje eskalacije

Američki predsjednik **Džo Bajden (Joe Biden)** rekao je u nedjelju ukrajinskom predsjedniku Volodimiru Zelenskom da će Sjedinjene Američke Države i njihovi saveznici odlučno odgovoriti ako Rusija dodatno napadne Ukrajinu, navodi se u saopćenju Bijele kuće.

Poziv je uslijedio nekoliko dana nakon što je Bajden održao drugi razgovor u mjesec dana sa ruskim kolegom Vladimirom Putinom tokom napetosti na rusko-ukrajinskoj granici gdje je Rusija okupila oko 100.000 vojnika, prenosi "Reuters".

- Predsjednik Bajden jasno je dao do znanja da će Sjedinjene Države i njihovi saveznici i partneri odlučno odgovoriti ako Rusija dodatno napadne Ukrajinu - rekla je glasnogovornica Bijele kuće Jen Psaki u izjavi nakon telefonskog razgovora dvojice predsjednika.

Ukrajinski predsjednik Zelenski rekao je da je s Bajdenom razgovarao o zajedničkim akcijama na očuvanju mira u Evropi i sprječavanju daljnje eskalacije.

- Prvi međunarodni razgovor ove godine s Bajdenom dokazuje posebnu prirodu naših odnosa - napisao je Zelenski na Twitteru.

Objavio je da se razgovaralo o zajedničkim akcijama Ukrajine, Sjedinjenih Američkih Država i partnera u očuvanju mira u Evropi, sprječavanju daljnje eskalacije, reformama, deoligarhizaciji. Cijenimo nepokolebljivu podršku Ukrajini - prenosi "Reuters".